

Akoranga 3: Te whakamahi i te Ipurangi

LEARN IT Online

He aha te Ipurangi?

Ko te **Ipurangi** ko tētahi **whatunga** rorohiko ao whānui e whakaahei ana i ngā tāngata ki te tuku, ki te whiwhi, ki te kite pārongo hoki. Mā ngā tāngata te Ipurangi, otirā mō te whakawhiti me te tiri pārongo. Ina mahi tātou i tētahi mea i te Ipurangi ka kiia e tātou kei te mahi **tuihono**.

Ko ngā tikanga mahi noa o te Ipurangi ko te tuku karere mā te **ī-mēra** me te tiroiro i te **Tukutuku Ao Whānui**. I tēnei akoranga ka tirohia e tātou he pēhea e kitea ai te pārongo i te Tukutuku Ao Whānui.


Ngā Tikanga: (Definitions)

Tukutuku Ao Whānui (te tukutuku)	Ko te Tukutuku Ao Whānui ko te whatunga o ngā paetukutuku piriona. (e tū ana te ' www. ' i tētahi wāhitau tukutuku mō te World Wide Web.)
Pūtirotiro Tukutuku	Ka tirohia e koe ngā pārongo i te Ipurangi mā te whakamahi i tētahi pūtirotiro tukutuku. I ngā Pokapū Ako ka whakamahia e tātou te Internet Explorer , engari ko Safari me Firefox ētahi atu pūtirotiro tukutuku.
Paetukutuku	Ko te paetukutuku ko tētahi wāhi i te Ipurangi e taea e koe te kite pārongo. Ko te paetukutuku ko te rite o tētahi pukapuka mariko, me tāna whārangi ihirangi matua (whārangi kāinga) me tētahi atu whārangi, ētahi rānei (whārangi tukutuku).
Wāhitau tukutuku (URL)	Kei ia paetukutuku tētahi wāhitau ahurei, he āwhina e kitea ai te wāhitau i te Ipurangi e tō pūtirotiro tukutuku, hei tauira www.waitakere.govt.nz . (Tirohia te 2 o ngā whārangi mō ētahi atu kōrero).
Wāhitau ī-mēra	Ko te wāhitau ī-mēra ko tētahi wāhitau ahurei hei tuku ī-mēra, hei tauira: example@hotmail.com
Honongaitua, Hononga rānei	Ka neke haere koe i tētahi whārangi ki tētahi atu whārangi o tētahi paetukutuku mā te pāwhiri i ngā hononga. Ko te tikanga ka puta ngā hononga hei tuhinga kikorangi whai tāraro. (Mō ētahi pārongo mō te hononga haere ki te 4 o ngā whārangi.)
Whārangi Kāinga	He whārangi kāinga tā ia paetukutuku (pērā i tētahi whārangi ihirangi). He whārangi kāinga anō tā tō putiroiro. Ko te paetukutuku tēnei ka tuwhera ina whakatuwhera koe i tō pūtirotiro. I ngā Pokapū Ako ko google.co.nz




Te whakamahi i te Internet Explorer:

- Kōwhiri mai i ēnei:**
- Whārangi tukutuku
 - Pae tūnga
 - Paeutauta
 - Tohu tūnga
 - Pae Wāhitau




Paeutauta:

- Kōwhiri mai i ēnei:**
- Aukati
 - Whakamua
 - Kāinga
 - Whakamuri
 - Tāmata



Ka pēhea tētahi Wāhitau Tukutuku (URL) e pānuitia ai
 Kei ia whārangi tukutuku i te Ipurangi tētahi wāhitau ahurei ka huaina he wāhitau tukutuku, he URL rānei. He maha tonu ngā wāhi o ngā wāhitau tukutuku.



Ngā mutunga paetukutuku:


Momo Whakahaere		Whenua	
.com	Arumoni (umanga)	.nz	Aotearoa
.co		.au	Ahitereiria (te tikanana com.au)
.org	Whakahaere (hei tauira kore-monihua)	.uk	Piritene Nui
.edu	Mātauranga / Pūmātauranga	.to	Tonga
.ac		.ws	Hāmoa
.govt	Kāwanatanga	.jp	Hapana
.gov		.fj	Whītī
.net	Pānga Ipurangi (ISP)	.in	Īnia

He aha te rerekētanga i waenganui i te wāhitau tukutuku i te wāhitau ī-mēra?

Ko te wāhitau ī-mēra ko tētahi wāhitau e taea e koe te tuku atu he **ī-mēra** (mēra tāhiko). Hei whakamahi i tētahi wāhitau ī-mēra ka hiahiaitia he tūmau ī-mēra (papatono), tētahi paetukutuku mēra tukutuku tuihono.

Ko te tikanga ngāwari e wehea ai te wāhitau ī-mēra i te wāhitau tukutuku ko te titiro ki te tikanga i tuhia ai rāua.


- Kei roto te tohu **@** i ngā wāhitau ī-mēra.
- Kāore he tohu **@** i roto i ngā wāhitau tukutuku. Otirā ka tuhia me te **http://** i ētahi wā (i ētahi wā anō me te **'www.'**)



Pēhea te haere ki tētahi paetukutuku:



1. Whakatuwheratia te Ipurangi mā te pāwhiri taurua ki te ata **Internet Explorer** i tō papamahi
2. Pāwhiritia te **pae wāhitau** kei runga i te pūtirotiro. Ko te tikanga, ka kikorangi te wāhitau tukutuku kei roto; ko tōna tikanga ka taea e koe te pato i te wāhitau o te paetukutuku e hiahia ana koe.
3. Patoa te wāhitau hōu (kaua tētahi wāhitau ī-mēra), ka pēhi **tāuru**.
4. Tirohia te **pae kaunuku** i te **pae tūnga**. Ko tōna tikanga e utaina ana te paetukutuku.



Tirohia hoki mēnā e neke ana te haki i te koki matau o runga. Hei te nui o ngā tāngata i te Ipurangi me ngā ihirangi o te paetukutuku te wā e utaina ana.



Mahi whakawai 1 – Haere ana ki tētahi paetukutuku:

Me whai i ngā tohutohu i runga nei kia haere ki ēnei paetukutuku: (Whakamātauria me tētahi 'www.', hāunga rānei te 'www.' kia kite he aha ka tūpono.)


waitakereonline.co.nz

bbc.co.uk




teara.govt.nz

airnewzealand.co.nz (airnz.co.nz)

Te whakamahi i tētahi paetukutuku:

Hei whakatere haere i tētahi paetukutuku ka whakamahia te **honongaitua**, te **hononga**  rānei. Ka taea te hononga kupu, hononga pikitia, hononga tohu rānei. Ina huri te pehu kiore ki te maihao tuhi kua kite koe i tētahi hononga ka kawē i a koe ki tētahi atu whārangi tukutuku. **Pāwhiri mauī** ki runga ki te hononga kia haere ki te whārangi tukutuku hōu.


Kei ngā paetukutuku ētahi atu āhuatanga noa ka tuku i a koe ki te tiki pārongo i te paetukutuku; kei raro nei ētahi āhuatanga ka whakamahia noa ai.

<input type="radio"/> Button 1 <input type="radio"/> Button 2 <input type="radio"/> Button 3	Pātene irirangi Tūkua ai koe e ngā pātene irirangi kia kōwhiri i tētahi kōwhiringa i tētahi rārangi.
<input checked="" type="checkbox"/> Checkbox 1 <input type="checkbox"/> Checkbox 2 <input type="checkbox"/> Checkbox 3	Pouakataki Tūkua ai koe e ngā pouakataki kia kōwhiri i ētahi kōwhiringa i tētahi rārangi.
	Pouaka takaiho Mā te pāwhiri i te pere kei te taha o tētahi pouaka takaiho ka whakaaturia mai he rārangi kōwhiringa. Pāwhiritia te kōwhiringa e hiahia ana koe.
	Pouaka panuku Whakaaturia ai e ngā pouaka panuku tētahi rārangi kōwhiringa. Whakamahia te pae panuku iti i te taha hei panuku i ēnei, ka pāwhiri i te kōwhiringa e hiahia ana koe.
	Pātene Kei ngā paetukutuku ētahi pātene ka tuku i a koe ki te tuku pārongo ki tētahi paetukutuku.

Mahi Whakawai 2 – Te whakamahi i tētahi paetukutuku:

1. Haere ki airnewzealand.co.nz
2. Kei te taha mauī o te mata tētahi puka e tuku ana i a koe kia whiwhi i tētahi whakatau utu mō tētahi rerenga.
3. Whakamahia ngā pouaka takaiho hei whakakī i te puka.
4. Pāwhiritia te pātene **Rapua** kia kite i ngā rerenga e wātea ana.

Ētahi atu Mahi Whakawai:



1. Te pānui tuihono i te nūpepa

Whakamātau ki te haere ki ēnei paetukutuku. He hononga ā rātou ki ētahi nūpepa nō te ao katoa. Whakamātauria te rapu i tētahi nūpepa o tētahi whenua nāu i kōwhiri.

onlinenewspapers.com

newspapers.com

2. Te haere ki Trademe


He paetukutuku māketē tuihono a Trademe. Ka āhei koe te tono i ētahi mea, te hoko mea, te tiroiro rānei i ngā rārangi kia kite he aha ngā mea kei te toroa atu.

- Haere ki trademe.co.nz
- Whakamātauria te rapu i tētahi mea tērā koe e hiahia kia hoko, kātahi ka tiroiro haere i roto i ētahi kāwai rerekē.

3. Te whakamahi i te Putumōhio o te Whare Pukapuka

Ka taea e koe te haere ki te paetukutuku o te Whare Pukapuka o Waitakere ki te rapu i te putumōhio o te whare pukapuka, ki te tono pukapuka, ki te kite i ngā mea hoki kua oti i koe te tono ināianei.

- Haere ki waitakerelibs.govt.nz
- Pāwhiritia te Rapua te Putumōhio
- I te pouaka takaiho kōwhiri Kaituhi.
- I te pouaka rapu patoa te ingoa o tētahi kaituhi e pai ana koe.
- Pēhia te **Haere**.



4. Te whiwhi Tohutohu

He maha tonu ngā mahere paetukutuku i te ipurangi. Ka taea ēnei te whakamahi e koe kia kite i ngā mahere, kia whiwhi tohutohu hoki.

- Haere ki wises.co.nz
- I te pouaka 'Tāuru tiriti/tauwāhi' patoa tō wāhitau
- Pāwhiritia te Tiki Tohutohu Taraiwa
- Patoa te wāhitau o te whare pukapuka i tō kāinga
- Pēhia te **Haere** kia whiwhi ki ō tohutohu.

Te noho haumarū i te ipurangi – te whakamahi i ngā paetukutuku haumarū:

Me kei te whakaaro koe ki te hoko taonga i te ipurangi me te tuku kōrero whaiaro, pērā i ngā taipitopito kāri nama, he whakaaro pai te tiroiro kei te whakamahi koe i tētahi paetukutuku haumarū. Kia mataara ki ēnei mea:



1. Tērā e kitea tētahi pouaka pakū e mea ana kei te haere koe ki tētahi paetukutuku haumarū
2. Kia tīmata rawa te wāhitau me te **https://** Ko haumarū te tikanga o te **S**.
3. Kia kitea hoki te tohu raka kapi i te pae tūnga o te Internet Explorer

Te whakawhirinaki ki ngā pārongo i ngā paetukutuku:

Ka taea tētahi paetukutuku te hanga e ngā tāngata katoa. Kāore ngā pārongo katoa e tika kia whakawhirinaki. Me whakaaro ki ēnei mea ina titiro ki ngā pārongo i te ipurangi:

- Nā wai te paetukutuku i hanga? He paetukutuku huamoni rānei tēnei (.com), he paetukutuku kāwanatanga (.govt) he mea huamoni-kore rānei (.org)
- Kei te paetukutuku ētahi hē pūnga kupu? Kua whakatikatikatia rānei?
- Ka taea rānei ngā taipitopito whakapā o te iwi nāna te paetukutuku i hanga te kite?
- He mea hōu rawa rānei ēnei pārongo? E kī ana ētahi paetukutuku nōnahea rātou i whakahōutia ai i te pito o runga, o raro rānei o te whārangi.
- Ka taea rānei e koe te āta titiro i ngā pārongo o te paetukutuku? Tirohia hoki ētahi atu paetukutuku ki te tiaki kei te tika ngā pārongo.

Mahikāinga:

Whakamahia tō pūtirotiro tukutuku ki te haere ki ētahi paetukutuku. Whakamātauria ngā mahi whakawai kua whakarārangitia i tēnei pukapuka.

Ki te kite koe i ētahi paetukutuku i tētahi nūpepa, maheni, i te pouaka whakaata rānei, tuhia te wāhitau ka whakamahi i tō pūtirotiro tukutuku ki te tūhura i taua paetukutuku.